



ՀԱՅ ԶԵՌԱԳՐԱՀԱՎԱԲԶԱԿԱՆ ՇՆՈՐՀԱԿԱԼ ԱՇԽԱՏԱՆՔ

1885 թվականին «Սովետական գրող» հրատարակչությունը լույս ընծայեց Երևանի Ս. Մեսրոպ Մաշտոցի անվան Մատենադարանի փոխտնօրեն Բաբկեն Չուգասյանի «Ձեռագրերի աշխարհում» գրքույկը: Մինչ այդ, 1982 թվականին, հեղինակը հրատարակել էր «Ձեռագրերի հետքերով» գրքույկը, որտեղ պատմում էր Ամերիկայի Միացյալ Նահանգներում ձեռագրերի հավաքման իր ջնդրակալ աշխատանքների մասին:

Ներկա գրքույկում Բաբկեն Չուգասյանը շարունակում է իր գիտահանրամատչելի ակնարկ-գլուխները Սովետական Միության տարբեր քաղաքներից ու շրջաններից, ինչպես նաև Անգլիայից, Ֆրանսիայից և Գերմանիայի Դենոկրատական Հանրապետությունից Հայաստանի մայր ձեռագրատան՝ Մատենադարանին և մյուս թանգարաններին նվիրաբերված ձեռագրերի, փաստաթղթերի, հայ հոգևոր և նյութական մշակույթի այլ արժեքների և դրանց նվիրատուների ձակատագրերի մասին:

Մեր ժողովրդի ստեղծած հոգևոր և նյութական մշակույթի արժեքները ապրել են նույն ձակատագիրը, ինչ ինքը՝ հայ ժողովուրդը: Դաժան ձակատագրի բերումով ինչպես մեր ժողովուրդը, այնպես էլ նրա ստեղծած նյութական-մտավոր արժեքները սփռվել են աշխարհով մեկ: Այժմ պետականություն ունեցող մեր ժողովրդի առաջնահերթ մտահոգություններից մեկն է՝ հավաքել աշխարհով մեկ սփռված այդ արժեքները և այդպիսով իսկ փրկել դրանք կորստից ու ոչնչացումից: Քիչ չեն նաև այն նյութական արժեքները, որոնք գտնվում են անհայտ անձանց մոտ՝ մեր հայրենիքում թե նրա քահանաներից դուրս:

Գրքույկում հեղինակը վիպական հույիչ նկարագրությամբ պատմում է զանազան պաշտոնական և անպաշտոն՝ անձնական մտերմիկ հանդիպումների մասին հայ և օտար հոգևորական, մտավորական և այլ անձանց հետ: Այդ հիշողությունները կապված են նրա մանկական և հասուն շրջանի կյանքին: Սակայն այս բոլորով հանդերձ, գրքույկի շարադրանքի հիմնական առանցքը հայ ժողովուրդին է և նրա ստեղծած մտավոր արժեքները:

Ի շարս այլ ակնարկ-գլուխների, սույն գրքույկում խոսվում է, օրինակ, այն մասին, որ փարիզաբնակ Ռաֆայել Մարկոսյանի կտակի համաձայն 1922 թվականին, իր մահից հետո, 36 միավորից բաղկացած իր հին գրչագրերի զավաքածու պետք է ձանապարհորդեր և հանգրվաներ Մայր Հայրենիքում՝ Սովետական Հայաստանում: Սակայն զանազան պատճառներով կտակի իրագործումը իրականացավ միայն 45 տարի անց, 1967 թվականին: Այդ հավաքածուի մեջ ընդգրկված էին Ավետարան, Մաշտոց, Տոնացույց, Մանրումունք և այլ բովանդակության մատյաններ՝ Անանիա Շիրակացու ինքնակենսագրությունն ու թվաբանական խնդիրների գրքեր, Գրիգոր Նարեկացու և Ներսես Շնորհալու բանաստեղծություններ, Մխիթար Հերացու աշխատություններից կատարված քաղվածքներ, Մխիթար Երզնկացու թվաբանական խնդիրներ, զանազան այլ անհայտ և հայտնի գրիչների և ծաղկողների, վարպետ արծաթագործների և այլ անձանց ստեղծագործական մտքի արտահայտություններ: Սույն ձեռագրերն ընդօրինակված են հայ մշակույթի երբեմնի կենտրոններ Երզնկայում, Խարբերդում, Ջեյթունում, Եվ-

դեկիայում, Շոթթում ու Կաֆայում ԺԲ—ԺԺ դարերում: Չեռագրերն ունեն արժեքավոր հիշատակարաններ և հիշատակագրություններ:

Գրքույկում նկարագրված բազմաթիվ նըպատակային հանդիպումները հայ և օտար գիտնական-արվեստաբանների, հոգևորական և աշխարհական շատ ու շատ անձանց հետ օգնում են հեղինակին՝ Բաբկեն Չուգասյանին՝ ի հայտ բերելու հայ հոգևոր արժեքների բազմաթիվ նմուշներ, նրանց զրիչների ու ծաղկողների կենսագրություններ:

Բազմաթիվ են գրքույկում հիշատակված ձեռագրերը և դրանց հետ կապված վանական մանրամասներ. Հովհաննես Սեբաստա-

ցու «Պատմություն Սեբաստիո», «Մշո ձառնտիր», «Թուխ Մանուկ Ավետարան», Ամիրդովլաթ Ամասիացու «Ոգուտ բժշկության» և «Անգիտաց անպետից» անթվական ընդօրինակությունները և շատ ու շատ հնատիպ գրքեր, Ավետարաններ և այլ բազմաթիվ հոգևոր արժեքներ:

Կավճապատ թղթի վրա պետեղված ներդիր ութ գունավոր նկարները, որոնք նմուշներ են հիշատակված ձեռագրերից, առավել ցայտուն են դարձնում պատումները:

Բաբկեն Չուգասյանի շնորհակալ աշխատանքի պտուղները շոշափելի են:

ՎՈԼՈՂՅԱ ԱԲՐԱՀԱՄՅԱՆ





ԱՄԵՆԱՅՆ ՀԱՅՈՅ ՎԵՀԱՓԱՌ ՀԱՅՐԱՊԵՏԻ ԿՈՂՄԻՅ ՈՐԱՐԿՎԱՅ ԱՅՍ ԽԱՉՔԱՐԸ ՀԱՅ ԺՈՂՈՎՐԻ ԵՐԱՆՏԱԳԻՏՈՒԹՅԱՆ
 ԱՐՏԱՀԱՅՏՈՒԹՅՈՒՆՆ Է՝ Ի ՀԱՎԵՐԺԱՅՈՒՄՆ ՄԵՅ ՄԱՐԴԱՍԵՐ ԴՈՎՏ, ԻՈՀԱՆՆԵՍ ԼԵՓՍԻՈՒՍԻ ՀԻՇԱՏԱԿԻ